

萬 有 文 庫

第 二 集 七 百 種

王 雲 五 主 編

韋 蘇 州 集

附 拾 遺

(上)

韋 應 物 撰

商 務 印 書 館 發 行

韋蘇州集

附拾遺
(上)

韋應物撰

國學基本叢書

韋蘇州集序

韋蘇州。唐史不載其行事。林寶姓蔡云。周道暹公。曼之後。左僕射扶陽公待價。生司門郎中令儀。令儀生鑾。鑾生應物。應物生監察御史河東節度掌書記慶復。李肇國史補云。爲性高潔。鮮食寡欲。所居焚香掃地而坐。其爲詩馳驟。建安已還。各得風韻。詳其集中詩。天寶時。扈從遊幸。疑爲三衛。永泰中。任洛陽丞。京兆府功曹。大曆

十四年。自鄆縣令制除櫟陽令。以疾辭歸。善福精舍。建中二年。由前資除比部員外郎。出爲滁州刺史。改刺江州。追赴闕。改左司郎中。貞元初。又歷蘇州。罷守。寓居永定精舍。其後事迹。究尋無所見。肇。又云。開元以後。位卑而著名者。李北海。王江寧。李館。陶鄭廣。文元。魯山。蕭功曹。張長史。獨狐常州。崔比部。梁補闕。韋蘇州。以集中事及時人所稱考。其仕宦本末。得非遂止於蘇邪。

案白居易蘇州荅劉禹錫詩云。敢有文章替左
司。左司。蓋謂應物也。官稱亦止此。有集十卷。而
綴叙猥并非舊次矣。今取諸本校定。仍所部居。
去其雜廁。分十五總類。合五百七十一篇。題曰
韋蘇州集。可以繕寫。嘉祐元年十二月二十二
日太原王欽臣記。

韋蘇州集

古賦一首

冰賦

夏六月。白日當午。火雲四至。金石灼爍。玄泉潛沸。雖深居廣廈。珍簟輕箑。而亦鬱鬱燠燠。不能和平其氣。陳王於是登別館。散幽情。招親友。以高會。尊仲宣為客卿。睹頒冰之適至。喜煩暑之暫清。王乃誇賓而歌曰。含皎皎兮瓊玉姿。氣淒淒

妻兮奪天時。飲之瑩骨兮何所思。可進於賓。請
客卿爲寡人美而賦之。客諾曰。美則美矣。而大
王不識其短。夫謂之瓊玉。竊名器也。氣奪天時。
干陰陽也。內熱飲之。媒其疾也。寵一物而三失
德。且出寒暑而至下。薦宗廟而至高。僕竊感之
而戲歎。安得不爲之而抽毫。何積陰之勝純陽
兮。惟此玄冰。居炎天之赫赫兮。獨嚴厲乎稜稜。
其始也。月玄冥。日北陸。天地閉。水泉縮。動靜一

變剛柔反覆。壯以烈風。積如羣玉。由是依廣澶。
漫憑高崢嶸。大寒御節。萬動潛形。浮彩浩浩。仰
吞素靈。羣山早曙。陰壑夜明。古者祭之黑牡。其
藏以節。菝之桃弧。其出以絜。今明明大魏。禮物
必備。實大王罇俎之常品。非小民造次之所致。
若尊卑異等。頒命有度。碎似墜瓊。方如截璐。况
粉壁雲矗。象筵霜布。座有麗人。皎然俱素。雖衆
賓之同輝。諒爲物之難固。其竊名假質以謬一

時之賞也。如此若乃對修竹。臨方塘。俾炎作寒。今反我天常。嗟締綌之失御。於三伏兮亦統扇。委篋而內傷。其嚴沍之威。以干陰陽之候也。如此若皎潔的皪。與時消釋。或沉珠於杯。或化璞於液。王將其飲。聊以自適。豈知乎一寒一溫。日夜相激。久之以生疾兮。內外不和而怵惕。其翫意而媒疾也。如此觀其力足。以淒一室。利庖厨。俾甘肥晚敗。醇釀不渝。非可調湊理。安營魄柰。

何以誇客。陳王於是施然而慙曰。寡人生於深
宮。情於服食。左右唯燕姬趙女。侈服美色。微客
卿之言。則何以雪余惑。方當命有司而撤冰。書
盤盂以自式。

韋蘇州集目錄

卷第一

雜擬

擬古詩十二首

雜體五首

與友生野飲效陶體效何水部二首

效陶彭澤

燕集

會李四栖梧作

燕李錄事一首

會梁川故人

盧耿主簿

賈常侍林亭燕集

月夜草堂

移疾會詩客

慈恩伽藍清會

夜偶操公作

會王祠曹宅

晦日燕集

扈亭西陂燕賞

西郊燕集

春宵燕南館

滁州園池

郡樓春燕

南塘泛舟

郡齋雨中

軍中冬燕

司空王簿琴席

與村老對飲

卷第二

寄贈上

城中卧疾贈閩薛

寄深上人

寄三原盧少府

假中對雨

贈蕭河南

示從子

趨府候曉

贈李儋

贈盧嵩

寄馮著

早春對雪

贈王侍御

寄李十九儋

黃河卽事

寄盧庾

發廣陵

寄元大校書

寄廣陵親故

寄洪州幕

寄都邑親友

寄子西

雪中寄李儋

養疾

雨後

贈元侍御李博士
使雲陽寄府曹

過扶風精舍舊居
贈令狐士曹

贈馮著
對雨寄韓庫部協

寄子西
縣內閑居贈溫公

對雪贈徐秀才
西郊遊宴

對雨
休沐東還

朝請後還邑
澧上西齋

獨遊西齋

紫閣東林居士叔緘賜松英九捧對忻喜

詩代啟

秋集罷還途中

閑居贈友

登覽悲舊

善福閣對雨

寺居獨夜

九日澧上作

寄西郊養疾暢校書

澧上寄幼遐

善福精舍示諸生

晚出澧上

寓居澧上精舍

開元觀懷舊

春日郊園

澧上醉題

西郊期滌不至

澧上對月

將往滁城

還闕首途

秋夜南宮

塗中書情

雪後下朝

卷第三

寄贈下

寄韓司戶

寄令狐侍郎

閑居寄端及重陽

園林寄昭應韓明府

寄大梁諸友

新秋夜寄諸弟

郊園聞蟬

寄中書劉舍人

郡齋感秋

郡中對雨

冬至夜

元日

寄劉郎中

社日

寒食日

贈李儋侍御

寄楊協律

郡齋贈王卿

簡恒璨

閑居寄諸弟

登樓寄王卿

寄暢當

贈崔貞外

寄李儋元錫

京師叛亂寄諸弟

贈琮公

寄諸弟

寄恒璨

簡郡中諸生

寄山中道士

寄釋子

重寄

答釋子送酒瓢

簡陟巡建三甥

覽褒子卧病題示一首

寄璨師

寄盧涉

塗中寄楊逸

寄璨律師

雪行寄褒子

寄裴處士

示釋子恒璨

示全真元常

寄劉尊師

寄盧山櫻衣居士

與從姪成緒遊山水中道先寄示

寒食寄京師諸弟

歲日寄李端武等

簡盧陟

西澗卽事示盧陟

登郡樓寄淮南子弟

寄黃導師

寄黃劉二導師

秋夜寄丘負外

贈丘負外

贈李判官

寄皎然上人

贈舊識

寄丘負外

劉負外

寄淮上綦母三

寄二巖

卷第四

送別

送李主簿

送崔押衙

送宣城路錄事

送李山人東遊

送李二歸楚州

送閻家赴東川辟

送令狐岫宰恩陽

送馮著

送元倉曹

送唐明府

喜於廣陵拜覲家兄奉送還池州

送張八元秀才

送張侍御

送盧耿赴任

送鄭述誠

餞雍聿之潞州

與送李幼

送韓丞東遊

送鄭長源

送李儋

送李渭士曹

留別洛京親友

送從叔象

送榆次林明府

雜言送黎六郎

別子西有道

送黎少府赴陽翟

送別覃孝廉

送開封盧少府

送槐廣落第歸揚州

送汾城王主簿

送崔主簿

送顏司議

奉送從兄宰晉陵

贈別河南李功曹

送趙隨廣德尉

宴別幼遐與君貺兄弟

送宣州周錄事

謝櫟陽令歸西郊

送李端東行

送姚係還河中

別善福精舍

送常侍御

送郝詹事

送蘇評事

送李益侍御赴幽州幕

留別朋友兼示諸弟

送元錫楊凌

別楊氏女

別中第

一作送
崔肅懿

寄別李儋

送倉部蕭員外院長存

送王校書

送丘負外還山

重送丘二十二

送鄭端公弟

送房杭州

送陸侍御還越

聽江笛送陸侍御

送丘負外歸山居

送崔叔清遊越

送鄒儒立還京師

送豆盧策秀才

送王卿

送劉評事

送雷監赴闕庭

送秦系赴潤州

卷第五

酬答

期盧嵩不赴詩答

答少府問

詩答書因以戲李二

酬盧嵩見寄

酬鄭戶曹

答李漸

酬柳郎中見別

酬豆盧

酬李儋

酬元偉

酬韓質

答李博士弟枉詩見問

酬李博士

答令狐士曹見寄

答李博士

答劉西曹

答貢士黎逢

答韓庫部協

答崔王簿倬

答徐秀才

答東林道士

答長寧令楊輓

答馮魯秀才

答崔主簿

清都觀答幼遐

答韓司錄見憶

答長安丞裴稅

奉酬處士叔見示

答庫部韓郎中

答暢校書當

答崔都水

酬令狐司錄

答趙氏外生伉

答趙氏生伉

答端

答史館張學士

答王郎中

答崔都水

答王卿送別

答裴丞說歸京所獻

答裴處士

答楊奉禮

答端

答二甥

答重陽

酬劉使君

答令狐侍郎

酬張協律

答秦校書

答賓

答鄭騎曹

奉和聖製重陽賜宴

和吳舍人

奉和張大夫

答河南李士巽

答故人見論

酬闔負外陟

逢遇

長安遇馮著

月夜書情簡李寶應

廣陵遇孟九雲卿

遇洛陽李主簿

路逢崔元二侍御

逢楊開府

訪王侍御不遇

訪道士姪不見

卷第六

懷思

有所思

暮相思

夏夜懷盧嵩

春思

春中憶元二

懷素友子西

對韓少尹贈硯

月晦憶與親友遊宴

清明日憶諸弟

池上懷王卿

憶京師諸子弟

憶諸弟

懷深標二釋子

雨夜感懷

雲陽館懷谷口

憶澧上幽居

重九懷舊

思舊里

追懷

行旅

經函谷關

經武功舊宅

往雲門郊居

月過西郊渡

晚歸澧川

授衣還里

次盱眙縣

春月觀省

廻經歷山水

山行雨歸始霽

感歎

傷逝

往富平傷懷

出還

送終

對芳樹

歎楊花

夏日

悲紈扇

林園晚霽

感夢

冬夜

除日

月夜

過昭國里故第

端居感懷

閑齋對雨

秋夜二首

舊居傷懷

悲故交

悲哀叙事

追舊書情

過忘友故第

話舊

至壽春公故宅

睢陽感懷

廣德中洛陽作

閭門懷古

感事

感鏡

歎白髮

卷第七

登眺

登高望洛城作

同德寺閣集眺

上方舊遊

登樂遊廟作

登西南岡卜居

月夜翫花

臺上暹客

登樓

善福寺閣

樓中月夜

寒食後北樓作

西樓

夜望

晚登郡閣

登重玄寺閣

遊覽

觀早朝

陪元侍御遊春

遊龍門香山泉

龍門遊眺

洛都遊寓

再遊舊居

莊嚴精舍遊集

府舍月遊

任鄆令漢陂遊眺

西郊遊矚

再遊西郊渡

月溪與幼遐君旣同遊

遊白家竹潭

秋夕西齋

觀田家

園亭覽物

觀澧水漲

遊南池

南園陪王卿遊囑

遊西山

春遊南亭

再遊西山

遊靈巖寺

與盧陟同遊

遊溪

遊開元精舍

襄武館遊眺

秋景詣瑯琊精舍

開庭南望秋景

慈恩精舍南池作

雨後宿清都觀

秋夜遲諸君

東郊

秋郊

行寬禪師院

神靜師院

精舍納涼

藍嶺精舍

道晏寺主院

義演法師西齋

澄秀上座院

至西峯蘭若受田婦饋

曇智禪院

起度律師同居東齋院

遊瑯琊山寺

同越瑯琊山

詣西山深師

尋簡寂觀瀑布

簡寂西澗瀑布下作

遊南齋

南園

西亭

夏景園廬

夏至避暑北池

題西林精舍書齋

題草堂
同元錫題那那寺

題鄭拾遺草堂

卷第八

雜興

詠玉

詠珊瑚

詠琥珀

詠曉

同元錫題那那寺

題鄭拾遺草堂

雜興

詠玉

詠珊瑚

詠琥珀

詠曉

詠夜

詠聲

任洛陽丞請告

縣齋

晚出府舍

休暇東齋

夜直省中

郡內閑居

燕居卽事

幽居

野居書情

郊居言志

夏景端居

始至郡

郡中西齋

新理西齋

曉坐西齋

郡齋卧疾絕句

寓居永定精舍

喜辟強定夜至

野居

秋齋獨宿

餌黃精

聽元老師彈琴

野次聽奏橫笛

樓中閱清管

寒食

七夕

九日

秋夜

秋夜一絕

滁城對雪

雪中

對春雪

對芳樽

對新篁

對萱草

翫螢火

種藥

種瓜

移海榴

對殘燈

夜對流螢作

夏花明

見紫荊花

對雜花

西澗種柳

喜園中茶生

郡齋移杉

花徑

南池秋荷

題梧桐

題石橋

池上

滁州西澗

西塞上

山耕叟

上方僧

煙際鐘

始聞夏蟬

射雉

夜聞獨啼鳥

述園鹿

聞鴈

子規啼

始建射侯

仙人祠

鷓鴣

卷第九

歌行上

長安道

行路難

橫塘行

貴遊行

酒肆行

相逢行

鳥引雛

鳶奪巢

燕嚙泥

鞞鼓行

古劍行

金谷園歌

溫泉行

學仙

廣陵行

萼綠華歌

王母歌

馬明生遇神女歌

石鼓歌

寶觀主白鸚鵡歌

彈碁歌

卷第十

歌行下

聽鶯曲

白沙亭逢吳叟歌

送褚校書歸舊山歌

五弦行

驪山行

漢武帝雜歌

櫻櫚蠅拂歌

信州錄事古鼎歌

夏冰歌

凌霧行

樂燕行

采王行

難言

易言

調嘯詞

三臺詞

韋蘇州集目錄終

韋蘇州集卷之一

雜擬

擬古詩十二首

其一

辭君遠行邁，飲此長恨端。
 已謂道里遠，如何中
 險艱。流水赴大壑，孤雲還暮山。
 無情尚有歸，行子何獨難。
 驅車背鄉園，朔風卷行迹。
 嚴冬霜斷肌，日入不遑息。
 憂歡容髮變，寒暑人事易。
 中心

補東揚曰韋公

古詩當獨步唐

室以其得漢魏

之質也其下者

亦在晉宋之間

又曰五言古詩

先學韋應物然

後諸家可入

劉涓淡曰古別

離多矣此作更

古者以其有清

中自應意如秋

風曠野自難為

懷

劉涓淡曰柔腸

欲無而有不可

犯之色音重評
此詩大意深而
語淺

又曰結語沉痛
傷情而不為妓
蕩怨曠之態如
此而止

君詎知冰玉徒貞白一作君

其二

黃鳥何關關。幽蘭亦靡靡。此時深閨婦。日照紗

割去不與深切而對情遠可誰不能通而無礙

窻裏娟娟雙青娥。微微啟玉齒。自惜桃李年。誤

覆空自無以加

身遊俠子。無事久離別。不知今生死。

紗一作綺

其三

峩峩高山巔。泑泑青川流。世人不自悟。馳謝如
驚風。百金非所重。厚意良難得。肯酒親與朋。芳

劉涓漢曰別是
情靡絕九入聖
可憐而不可即
音文極尋常以
古詞勝
又曰吾嘗評此
詩云淡而綺
而不煩

年樂京國。京城繁華地。軒蓋凌晨出。垂楊十二衢。
隱映金張室。漢宮南北對。飛觀齊白日。游泳一作游
屬芳時。平生自云畢。
疎康時

其四

綺樓何氛氲。朝日正杲杲。四壁含清風。丹霞射
其牖。玉顏上哀轉。絕耳非世有。但感離恨情。不
知誰家婦。孤雲忽無色。邊馬爲廻首。曲絕碧天
高。餘聲散秋草。徘徊帷中意。獨夜不堪守。思逐

朔風翔一去千里道。

其五

嘉樹藹初綠。藤蕪吐幽芳。君子不在賞。寄之雲
路長。路長信難越。惜此芳時歇。孤鳥去不還。緘
情向天末。

其六

月滿秋夜長。驚鳥號北林。天河橫未落。斗柄當
西南。寒蛩悲洞房。好鳥無遺音。商飈一夕至。獨

劉涓漢曰常言
常語枯淡欲殺

劉涓漢曰月滿
後夜長但括一
語誰不知是蘇
州之妙然河之

全篇甚惡非當
編閣不知其編
其眼度化後來
姑叢此例
爾東橋云此詩
絕勝選

宿懷重衾。舊交日千里。隔我浮與沉。人生豈草
木。寒暑移此心。

其七

酒星非所酌。月桂不爲食。虛薄空有名。爲君長
歎息。蘭蕙雖可懷。芳香與時息。豈如凌霜葉。歲
暮藹顏色。折柔將有贈。延意千里客。草木知賤
微。所貴寒不易。

其八

鍾伯敬云看無
為尚勞躬之下
所以美人奪南
國一敗藉之若
斯若不斷真是
古人氣脈知之
者少

劉頊漢口單居
兩語流動自來

神州高爽地。遐瞰靡不通。寒月野無綠。寥寥天
宇空。陰陽不停馭。鍾云至理貞脆各有終。汾沮何鄙儉。考
槃何退窮。反志解牽跼。無為尚勞躬。美人奪南
國。一笑開芙蓉。清鏡理容髮。孫實褰簾出深重。艷曲
呈皓齒。舞羅不堪風。慊慊情有待。贈芳為我容。
可。嗟。青。樓。月。流。影。君。帷。中。

其九

春至林木變。洞房夕含清。單居誰能裁。好鳥對

非徒若吟既及
未竟賦、情性
適然不假外物
石見

我鳴良人久燕趙新愛移平生別時雙鴛綺留
此千恨情碧草生舊迹綠琴歇芳聲一作願思將魂夢
歡反側寐不成一作學永迷處所夕起望前庭攀衣迷所次起望空前庭孤影
中自惻不知雙涕零

其十

秋天無留景萬物藏光輝落葉隨風起愁人獨
何依一作明華月屢圓缺君還浩無期如何雨絕天一作雲雨絕
去音問違一作塵

其十一

有客天一方。寄我孤桐琴。迢迢萬里隔。託此傳

幽音。冰霜中自結。龍鳳相與吟。絃以明直道。漆

以固交深。

一作形

其十二

白日洪上沒。空閨生遠愁。寸心不可限。淇水長

悠悠。芳樹自妍芳。春禽自相求。徘徊東西廂。孤

妾誰與儔。年華逐絲淚。一落俱不收。

一作難

自妍芳一作自交結
一作心妍芳

顧東橋云古意古語

劉頊漢云不言不發情意甚真但覺憑情編語皆不足道
桂天祥云入陶集中不可辨

劉涓子云其意
正平而朴素可
尚非無術飛動
且不悖

雜體

沉沉匣中鏡。爲此塵垢蝕。輝光何所如。月在雲
中黑。南金既彫錯。鞶帶共輝飾。空存鑿物名。坐
使妍媸惑。美人竭肝膽。思照冰玉色。自非磨瑩
工。日日空歎息。

一作字

古宅集祆鳥。羣號枯樹枝。黃昏窺人室。鬼物相
與期。居人不安寢。搏擊思此時。豈無鷹與鷂。飽
肉不肯飛。既乖逐鳥節。空養凌雲姿。孤奉肉食

恩何異城上鴟

春羅雙鴛鴦。出自寒夜女。心精煙霧色。指歷千

一作室

萬緒。長安貴豪家。妖艷不可數。裁此百日功。唯
將一朝舞。舞罷復裁新。豈思勞者苦。

一作苦

同聲自相應。體質不必齊。誰知賈人鐸。能使夫

樂諧。鏗鏘發宮徵。和樂變其哀。人神既昭享。鳳

一作皇

鳥亦下來。豈非至賤物。一奏升天階。物情苟有

合。莫問玉與泥。

高棟云此用人
之意也宛轉發
越德物可恨

劉涓子云舍棄
 飲素點合自賦
 桂天祥云故輕
 重相嘗以坐望
 還山雲是何等
 意此

碌碌荆山璞。卞和獻君門。荆璞非有求。和氏非
 有恩。所獻知國寶。至公不待言。是非吾欲默。此
 道今豈存。

與友生野飲效陶體

桂云體頗淨朴著以芳艷字

攜酒花林下。前有千載墳。於時不共酌。柰此泉
 下人。始自翫方物。行當念徂春。聊舒遠世蹤。坐
 望還山雲。且遂一歡笑。焉知賤與貧。

效何水部

玉宇含清露。一作秋香籠散輕煙。應當結沉抱。難從茲

夕眠。

夕漏起遙怨。蟲響亂秋陰。反覆相思字。中有故
人心。

效陶彭澤

霜露悴百草。時菊獨妍華。物性有如此。寒暑其
柰何。掇英泛濁醪。日入會田家。盡醉茅簷下。一

生豈在多。

顏云只是真得陶意故下此手

劉涓子云物性

兩語似違似怨

甚好

又云蘇州詩去

陶自述至效陶

則凌取王奕甫

語用之故晉人

無不有風發可

愛也

燕集

大梁亭會李四栖梧作

梁王昔愛才。千古化不泯。平聲至今蓬池上。遠集八

方賓。車馬平明合。城郭滿埃塵。逢君一相許。豈

要平生親。入仕三十載。如何獨未伸。英聲久籍

籍。臺閣多故人。置酒發清彈。相與樂佳辰。一作將孤亭

得長望。白日下廣津。富貴良可取。一作求竭來西入秦。

秋風旦夕起。安得客梁陳。

燕李錄事

與君十五侍皇闈。曉拂爐煙上赤墀。花開漢苑
 經過處。雪下驪山沐浴時。近臣零落今猶在。仙
 駕飄飄不可期。此日相逢思舊日。一杯成喜亦
 成悲。

一作逢君一作非

一作論

一作更

淮上喜會梁川故人

江漢曾爲客。相逢每醉還。浮雲一別後。流水十
 年間。歡笑情如舊。蕭疎鬢已斑。何因北歸去。淮

孫不

上對秋山。

揚州偶會前洛陽盧耿王簿。應物頃貳洛陽常有連騎

之遊

楚塞故人稀。相逢本不期。猶存袖裏字。忽怪鬢中絲。客舍盈樽酒。江行滿篋詩。更能連騎出。還似洛橋時。

賈常侍林亭燕集

高賢侍天階。作陛跡顯心獨幽。朱軒驚關右。池館在

東周繚繞接都城。氤氳望嵩丘。羣公盡詞客。方
駕永日遊。朝旦氣候佳。逍遙寫煩憂。綠林靄已
布。華沼澹不流。凌露摘幽草。涉煙翫輕舟。圓荷
既出水。廣廈可淹留。放神遺所拘。觥罰屢見酬。
樂燕良未極。安知有沉浮。醉罷各云散。何當復
相求。

月夜會徐十一草堂

空齊無一事。岸、憤、故、人、期、暫、輟、觀、書、夜、還、題、翫、

月詩。遠鐘高枕後。清露卷簾時。暗覺新秋近。殘
河欲曙遲。

移疾會詩客元生與釋子法朗因貽諸祠

曹

對此嘉樹林。獨有戚戚顏。抱瘵知曠職。淹旬非
樂閑。釋子來問訊。詩人亦扣關。道同意暫遣。客
散疾徐還。園徑自幽靜。玄蟬噪其間。高窻瞰遠
郊。暮色起秋山。英曹幸休暇。一作恨恨恨心所攀。

慈恩伽藍清會

素友俱薄世。屢招清景賞。鳴鍾悟音聞。宿昔心
已往。重門相洞達。高宇亦遐朗。一作通嵐嶺曉城分。清
陰夏條長。一作清條夏陰長蕭散竹池廣。平荷隨波
泛。迴颺激林響。蔬食遵道侶。泊懷遺滯想。何彼
塵昏人。區區在天壤。

夜偶詩客操公作

塵襟一蕭灑。清夜得禪公。遠自鶴林寺。了知人

世空驚禽翻暗葉。流水注幽叢。多謝非玄度。聊將詩興同。

與韓庫部會王祠曹宅作

作開
閉門陰堤柳。秋渠含夕清。微風送荷氣。坐客散塵纓。守默共無怙。抱冲俱寡營。良時頗高會。琴酌共開情。

晦日處士叔園林燕集

遽看冥葉盡。坐闕芳年賞。賴此林下期。清風滌

煩想始萌動。新照佳禽發。幽響嵐嶺對。高齋春
流灌。蔬壤罇酒遺。形迹道言屢。開獎幸蒙終。夕
懽聊用稅歸鞅。

扈亭西陂燕賞

杲杲朝陽時。悠悠清陂望。嘉樹始氤氳。春遊方
浩蕩。况逢文翰侶。愛此孤舟漾。綠野際遙波。橫
雲分疊嶂。公堂日爲倦。幽襟自茲曠。有酒今滿
盈。願君盡弘量。

劉涓子云淺語
流動稱情

顧東橋云用字
用意皆在唐人
中

劉涓子云不得
閑靜氣界之間
可佩

西郊燕集

濟濟衆君子。高宴及時光。羣山靄遐矚。綠野布
熙陽。列坐遵曲岸。披襟襲蘭芳。野庖薦嘉魚。激
澗泛羽觴。衆鳥鳴茂林。綠草延高岡。盛時易徂
謝。浩思坐飄颺。眷言同心友。茲遊安可忘。

春宵燕萬年吉少府中孚南館

始見斗柄迴。復茲霜月霽。河漢上縱橫。春城夜
迢遞。賓筵接時彥。樂燕凌芳歲。稍愛清觴滿。仰

歎高文麗。欲去返郊扉。端爲一歡滯。

滁州園池燕元氏親屬

日暮遊清池。疎林羅高天。一作疏餘綠飄霜露。夕氣變

風煙。水門架危閣。竹亭列廣筵。一展私姻禮。屢

歎芳罇前。感往在茲會。傷離屬頽年。明晨復云去。且願此留連。

郡樓春燕

衆樂雜軍鞞。高樓邀上客。思逐花光亂。賞餘山

預來勝云天趣
高遠

白樂天之最為
警策
楊用修曰詩話

景夕。為郡訪彫瘵。守程難損益。聊假一杯歡。暫
忘終日迫。

南塘泛舟會元六昆季

端居倦時燠。輕舟泛迴塘。微風飄襟散。橫吹繞
林長。雲澹水容久。雨微荷氣涼。一寫惰勤意。寧
用一作引訴華觴。

郡齋雨中與諸文士燕集

兵○衛○森○畫○戟○宴○寢○凝○清○香○海○上○風○雨○至○逍○遙○池

一代統唱余讀
 其全篇身恨其
 結句吳中云云
 乃類張打油之
 語雖村教習亦
 不至是纏底也
 後見宋人韻律
 篇無後四句又
 稱况和篇止上
 十六句乃知為
 吳中淺學所增
 以其風土而
 不知神也佛下
 不可看翼也

閣涼。煩痾近一作消散。嘉賓復滿堂。自慙居處崇。未

覩斯民康。理會是非遣。性達形迹忘。鮮肥屬時

禁。蔬果幸見嘗。俯飲一杯酒。仰聆金玉章。神歡

體自輕。意欲凌風翔。一作吳中盛文史。羣彥今汪洋

方知大藩地。豈曰財賦疆。一作

軍中冬燕

滄海已云晏。皇恩猶念勤。式燕徧怛秩。柔遠及

斯人。茲邦實大藩。代鼓軍樂陳。是時冬服成。戎

士氣益振。平聲虎竹謬朝寄。英賢降上賓。旋罄周旋禮。媿無海陸珍。庭中九劔闌。堂上歌吹新。光景不知晚。觥酌豈言頻。單醪昔所感。大釀况同忻。顧謂軍中士。仰荅何由申。

司空主簿琴席

煙華方散薄。蕙氣猶含露。澹景發清琴。幽期默一作去玄悟。留連白雪意。斷續迴風度。掩抑雖已終。忡忡在幽素。

與村老對飲

鬢眉雪色猶嗜酒。言辭淳朴古人風。鄉村年少
生離亂。見話先朝如夢中。

韋蘇州集卷之一 終

韋蘇州集卷之二

寄贈上

城中卧疾知閭薛二子屢從邑令飲因以

贈之

車馬日蕭蕭。胡不枉我廬。方來從令飲。卧病獨

何如。秋風起漢臯。開戶望平蕪。卽此恹音素。焉

知中密疎。渴者不思火。寒者不求水。人生羈寓

時。去就當如此。猶希心異迹。眷眷存終始。

劉涓子云真素
蓋疑亦令人所
恨道
鍾伯敬云非不
和平說到世情
逼人處亦自慄
既不能

一作良

一作

一作在

一作江

一作稀

一作表

鍾云宛而

一作珠

一作送利心錄真

譚文夏云心
異地三字如
交道暢然

聽嘉陵江水聲寄深上人

鑿崖泄奔湍。稱古神禹跡。夜喧山門店。獨宿不
 安席。水性自云靜。一作為石中本無聲。如何兩相激。雷
 轉空山驚。貽之道門舊。了此物我情。

高陵書情寄三原盧少府

直方難為進。守此微賤班。開卷不及顧。沉埋案
 牘間。一作空兵凶久相踐。徃賦豈得閑。促戚下可哀。寬
 政身致患。日夕思自退。出門望故山。君心儻如

鑿及夏云水何
 嘗自云妙
 鍾伯敬云腹中
 無領會如何吐
 得此語

此攜手相與還。

假中對雨呈縣中僚友

卻足一作地甘爲笑。閑居夢杜陵。殘鶯知夏淺。一作時社雨報年登。流麥非關忘。收書獨不能。自然憂曠職。緘此謝良朋。

贈蕭河南

厭劇辭京縣。褒賢待詔書。鄴侯方繼業。潘令且閑居。霽後三川冷。秋深一作深萬木疎。對琴無一事。新

興復何如。

示從子河南尉班

并序

永泰中余任洛陽丞。以撲扶軍騎時從子河南尉班亦以剛直爲政。俱見訟於居守。因詩示意。府縣好我者。豈曠斯文。拙直余恒守。公方爾所存。同占朱鳥尅。俱起小人言。立政思懸棒。謀身類觸藩。不能林下去。祇戀府延恩。

趨府候曉呈兩縣僚友

趨府不遑安。中宵出戶看。滿天星尚在。近壁燭

作編

仍殘。立馬頻驚曙。垂簾却避寒。可憐同官者。應

作編

悟下流難。

贈李儋

一作今

絲桐本異質。音響合自然。吾觀造化意。二物相

因緣。誤觸龍鳳嘯。靜聞寒夜泉。心神自安宅。煩

慮頓可捐。何因知久要。笋白漆亦堅。

鍾伯敬云清深
遠古

葛常之云韋應

物聽志陵江聲

云水惟自云靜

石中木無聲如

何兩相激雷傳

空山鳴與此絲
桐四句意頗相
翻然應物未晚
所謂非因非緣
亦非自然者

贈盧嵩

百川注東海。東海無虛盈。泥滓不能濁。澄波非
益清。恬然自安流。日照萬里晴。雲物不隱象。三
山共分明。柰何疾風怒。忽若基柱傾。海水雖無
心。洪濤亦相驚。怒號在倏忽。誰識變化情。

寄馮著

春雷起萌蟄。土壤日已疎。胡能遭盛明。才俊伏
里閭。偃仰遂真性。所求唯斗儲。披衣出茅屋。盥

漱臨清渠。吾道亦自適。退身保玄虛。幸無職事
牽。且覽按上書。親友各馳驚。誰當訪弊廬。思君
在何久。明月照廣除。

早春對雪寄前殿中元侍御

掃雪開幽徑。端居望故人。猶殘臘月酒。更值早
梅春。幾日東城陌。何時曲水濱。聞閑且共賞。莫
待繡衣新。

贈王侍御

心同野鶴與塵遠。詩似冰壺見底清。府縣同趨
昨日事。升沈不改故人情。上陽秋晚蕭蕭雨。洛
水寒來夜夜聲。自歎猶爲折腰吏。一作客可憐驄馬路
傍行。

將往江淮寄李十九僖

余自西京至李又發河洛同道不遇

鷺鷥東向來。文鷁亦西飛。如何不相見。羽翼有
高卑。徘徊到河洛。華屋未及窺。秋風飄我行。遠
與淮海期。迴首隔煙霧。遙遙兩相思。陽春自當

返。短翮欲追隨。

自輦洛舟行入黃河卽事寄府縣僚友
夾水蒼山路向東。東南山豁大河通。寒樹依微、
遠天外。夕陽明滅亂流中。孤村幾歲臨伊岸。一、
鴈初晴下朔風。爲報洛橋遊宦侶。扁舟不繫與、
心同。

寄盧虔

悠悠遠離別。分此歡會難。如何兩相近。反使心

不安。亂髮思一櫛。垢衣思一浣。豈如望友生。對
酒起長歎。時節異京洛。孟冬天未寒。廣陵多車
馬。日夕自遊盤。獨我何耿耿。非君誰爲歡。

發廣陵留上家兄兼寄上長沙

將違安可懷。宿戀復一方。家貧無舊業。薄宦久
飄颻。執板身有屬。淹時心恐惶。拜言不得留。聲
結淚滿裳。漾漾動行舫。亭亭遠相望。離晨苦須
臾。獨往道路長。蕭條風雨過。得此海氣涼。感秋

鍾伯敬云悲厚

鍾伯敬云得此
二字妙

陸伯敬云古甚

劉須溪云至懷
至淡便是蘇州
羊意

劉須溪云風波
兩語足以極
別之懷

意已違。况自結中腸。推道固當遣。及情豈所忘。
何時共還歸。舉翼鳴春陽。

初發楊子寄元大校書

元大悟此必開水既遠極

淒淒去親愛。泛泛入烟霧。歸棹洛陽人。殘鍾廣
陵樹。今朝此為別。何處還相遇。世事波上舟。沿
洄安得住。

淮上即事寄廣陵親故

前舟已渺渺。欲度誰相待。秋山起暮鍾。楚雨連

劉子好句

：六我鳥下東
事偶然景初卷
語亦不可再得

滄海風波離思滿宿昔容鬢改獨鳥下東南廣
陵何處在

此云用在字韻尤妙

寄洪州幕府盧二十一侍御

自南昌令拜
頃同官洛陽

忽報南昌令乘駟入郡城同時趨府客此日望
塵迎文苑臺中妙冰壺幕下清洛陽相去遠猶
使故林榮

經少林精舍寄都邑親友

息駕依松嶺高閣一攀緣前瞻路已窮既請喜

更延出。燉聽萬籟入。林濯幽泉鳴。鍾生道心暮。
磬空雲煙獨。往雖暫適多。累終見牽。方思結茅
地。歸息期暮年。

同長源歸南徐寄子西子烈有道

東洛何蕭條。相思邈遐路。策駕復隨遊。入門無
與晤。還因送歸客。達此緘中素。屢睽心所歡。豈
得顏如故。所歡不可睽。嚴霜晨淒淒。如彼萬里
行。孤妾守空閨。臨觴一長嘆。素欲何時諧。

雪中聞李儋過門不訪聊以寄贈

度門能不訪。冒雪屢西東。已想人如玉。遙憐馬
似驄。乍迷金谷路。稍變上陽宮。還比相思意。紛
紛正滿空。

同德精舍養疾寄河南兵曹東廳掾

逍遙東城隅。雙樹寒葱蒨。廣庭流華月。高閣凝
餘霰。杜門非養素。抱疾阻良讌。孰謂無他人。思
君歲云變。官曹亮先黍。陳躅慙俊彥。豈知晨與

夜相代不相見。緘書間所如。訓藻當芬絢。

同德寺雨後寄元侍御李博士

川上風雨來。須臾滿城闕。岩堯青蓮界。蕭條孤
作字
興發。前山遠已淨。陰靄夜來歇。喬木生夏涼。流
雲吐華月。嚴城自有限。一水非難越。相望曙河
遠。高齋坐超忽。

同德閣期元侍御李博士不至各投贈二

首

庭樹忽已暗。故人那不來。一作何祇應厭煩暑。永日坐
霜臺。

官榮多所繫。閑居亦憊期。高閣猶相望。青山欲
暮時。

使雲陽寄府曹

夙駕祇府命。冒炎不遑息。百里次雲陽。閭閻問
漂溺。上天屢憊氣。胡不均寸澤。仰瞻喬樹顛。見
此洪流跡。良苗免湮沒。蔓草生宿昔。頽墉滿故

墟返喜將安宅。周旋涉塗潦。側峭緣溝脉。仁賢
憂斯民。賤子甘所役。公堂衆君子。言笑思與覲。
過扶風精舍舊居簡朝宗巨川兄弟

佛刹出高樹。晨光閭井中。年深念陳跡。迨此獨
忡忡。零落逢故老。寂寥悲草蟲。舊宇多改構。幽
篁延本藜。栖止事如昨。芳時去已空。佳人亦携
手。再往今不同。新文聊感舊。想子意無窮。

贈令狐士曹

自八月朔旦同使藍田淹留
沙季事先半日而待故有戲

贈

秋簷一作竇滴滴對牀寢。山路迢迢聯騎行。到家俱及東籬菊。何事先歸半日程。

贈馮著

契濶任兩京。念子亦飄蓬。方來屬追往。十載事不同。歲晏乃云至。微褐還未充。慘悽遊子情。風雪自關東。華觴發權顏。嘉藻播清風。始此盈抱恨。曠然一夕中。善蘊豈輕售。懷才希國工。誰當

念素士。零落歲華空。

對雨寄韓庫部協

風至池館涼。靄然和曉霧。蕭條集新荷。氛氳散
高樹。閑居興方淡。默想心已屢。暫出仍濕衣。况
君東城住。

寄子西

夏景已難度。懷賢思方續。喬樹落疎陰。微風散
煩燠。傷離在芳札。忻遂見心曲。藍上舍已成。田

家雨新足。託鄰素多欲。可憐殘秩猶見束。日夕上高齋。但望東原綠。

縣內閑居贈溫公

滿郭春風嵐已昏。雅栖散吏掩重門。雖居世網常清淨。夜對高僧無一言。

對雪贈徐秀才

靡靡寒欲收。靄靄陰還結。晨起望南端。千林散春雪。妍光屬瑤階。亂緒凌新節。無爲掩扉卧。獨

守哀生轍。

西郊遊宴寄贈邑僚李巽

升陽暖春物。置酒臨芳席。高宴闕英僚。衆賓寡
歡懌。是時尚多壘。板築興頽壁。羈旅念越疆。領
徒方祗役。如何嘉會日。當子憂勤夕。西郊鬱已
茂。春嵐重如積。何當返徂雨。雜英紛可惜。

對雨贈李主簿高秀才

邈、迤、曙、雲、薄、散、漫、東、風、來、青、山、滿、春、野、微、雨、灑、

輕埃吏局勞。佳士賓筵得上才。終朝狎文墨。高興共徘徊。

休沐東還曹貴里示端

宦遊二十載。田野久已疎。休沐遂茲日。一來還故墟。山明宿雨霽。風暖百卉舒。泓泓野泉潔。熠熠林光初。竹木稍摧翳。園場亦荒蕪。俯驚鬢已衰。周覽昔所娛。存沒惻私懷。遷變傷里閭。欲言少留心。中復畏簡書。世道良自退。榮名亦空虛。

與子終携手。歲晏當來居。

朝請後還邑寄諸友生

宰邑分旬服。夙駕朝上京。是時當暮春。休沐集
友生。抗志青雲表。俱踐高世名。尊酒具懽樂。文
翰亦縱橫。良遊昔所希。累讌夜復明。晨露合理
琴。夕風殞素英。一旦遵歸路。伏軾出京城。誰言
再念別。忽若千里行。閑閣寡誼訟。端居結幽情。
况茲晝方永。展轉何由平。

澧上西齋寄諸友

七月中善福之西齋作

絕岸臨西野。曠然塵事遥。清川下遷迤。茅棟上
岩堯。翫月愛佳夕。望山屬清朝。俯砌視歸翼。開
襟納遠颺。等陶辭小秩。効朱方負樵。閑遊忽無
累。心跡隨景超。明世重才彥。雨露降丹青。羣公
正雲集。獨予欣寂寥。

獨遊西齋寄崔主簿

同心忽已別。昨事方成昔。幽徑還獨尋。綠苔日見

行跡。秋齋正蕭散。煙水易昏夕。憂來結幾重。非君不可釋。

紫閣東林居士叔緘賜松英九捧對忻喜
蓋非塵侶之所當服輒獻詩代啟

碧澗蒼松五粒稀。侵雲采去露沾衣。夜啟羣仙
合靈藥。朝思俗侶寄將歸。道場齋戒今初服。人
事葷羶已覺非。一望嵐峯拜還使。腰間銅印與
心違。

秋集罷還途中作謹獻壽春公黎公

鍾伯敬云自處
人謙厚其卑

鍾伯敬云古道

東帶自衡門。奉命宰王畿。君侯柱高鑿。舉善掩
謝云善於去古
瑕疵。斯民本已安。工拙兩無施。何以酬明德。歲
晏不磷緇。時節乃來集。欣懷方載馳。平明大府
開。一得拜光輝。温如春風至。肅若嚴霜威。羣屬
所載瞻。而忘倦與饑。公堂燕華筵。禮罷復言辭。
將從平門道。憩車澧水湄。山川降嘉歲。草木蒙
潤滋。孰云還本邑。懷戀獨遲遲。

閑居贈友

補吏多下遷。罷歸聊自度。園廬旣蕪沒。煙景空澹泊。閑居養痾瘵。守素甘葵藿。顏鬢日衰耗。冠帶亦寥落。青苔已生路。綠筠始分籜。夕氣下暹陰。微風動疎薄。草玄良見誚。杜門無請託。非君好事者。一作能誰來顧寂寞。

四禪精舍登覽悲舊寄朝宗巨川兄弟

蕭散人事憂。迢遰古原行。春風日已暄。百草亦

復生躋閣謁金像。攀雲造禪扃。新景林際曙。雜
花川上明。徂歲方緬邈。陳事尚縱橫。溫泉有佳
氣。馳道指京城。攜手思故日。山河留恨情。存者
邈難見。去者已冥冥。臨風一長慟。誰畏行路驚。
善福閣對雨寄李儋幼遐

飛閣凌太虛。晨躋鬱崢嶸。驚飈觸懸檻。白雲冒
層甍。太陰布其地。密雨垂八紘。仰觀固不測。俯
視但冥冥。感此窮秋氣。沉鬱命友生。及時策高

步。羈。旅。遊。帝。京。聖。朝。無。隱。才。品。物。俱。昭。形。國。士
秉。繩。墨。何。以。表。堅。貞。寸。心。東。北。馳。思。與。一。會。并。
我。車。夙。已。駕。將。逐。晨。風。征。郊。塗。住。成。淹。默。默。阻
中。情。

寺居獨夜寄崔主簿

一作無

幽。人。寂。不。寐。木。葉。紛。紛。落。寒。雨。暗。深。更。流。螢。度。
高。閣。坐。使。青。燈。曉。還。傷。夏。衣。薄。寧。知。歲。方。晏。離
居。更。蕭。索。

九日澧上作寄崔主簿倬二季端繫

淒淒感時節。望望臨澧洙。翠嶺明華秋。高天澄
遙滓。川寒流愈迅。霜交物初委。林葉索已空。晨
禽迎颺起。時菊乃盈泛。濁醪自爲美。良遊雖可
娛。殷念在之子。人生不自省。營欲無終已。孰能
同一酌。陶然冥斯理。

西郊養疾聞暢校書有新什見贈久佇不
至先寄此詩

養病愜清夏。郊園敷卉木。窻夕一作夕合澗涼。雨餘愛
筠綠。披懷始高詠。對琴轉幽獨。仰子遊羣英。吐
詞如蘭馥。還聞枉嘉藻。停望延昏旭。唯見草青
青。閉門澧水曲。

澧上寄幼遐

寂寞到城闕。惆悵返柴荆。端居無所爲。念子遠
徂征。夏晝人已息。我懷獨未寧。忽從東齋起。兀
兀尋澗行。冒罌叢榛密。披翫孤花明。曠然西南

望一極山水情。周覽同遊處。逾恨阻音形。壯圖
非旦夕。君子勤令名。勿復久留讌。蹉跎在北京。

善福精舍示諸生

湛湛嘉樹陰。清露夜景沉。悄然羣物寂。高閣似
陰岑。方以玄默處。豈為名跡侵。一作此如法妙不知歸。獨
此抱冲襟。齋舍無餘物。陶器與單衾。諸生時列
坐。共愛風滿林。

晚出澧上贈崔都水

朝河溪之甚有
管政可謂

鍾伯敬云牧得

德然瓊陛

臨流一舒嘯。望山意轉延。隔林分落景。餘霞明
遠川。首起趨東作。已看耘夏田。一從民里居。歲
月再徂遷。昧質得全性。世名良自牽。行欣攜手
歸。聊復飲酒眠。

寓居澧上精舍寄于張二舍人

萬木藜雲出香閣。西連碧澗竹林園。高齋獨宿
遠山曙。微霰下庭寒。雀喧道心淡泊對流水。生
事蕭疎空掩門。時憶故交那得見。曉排閭闔奉

劉涓子云寂
亦以著意

明恩。

開元觀懷舊寄李二韓二裴四兼呈崔郎
中嚴家令

宿昔清都燕。分散各西東。車馬行跡在。霜雪竹
林空。方軫故物念。誰復一樽同。聊披道書暇。還
此聽松風。

春日郊居寄萬年吉少府中孚三原少府
倬夏侯校書審

谷鳥時一轉。田園春雨餘。光風動林早。高窓照
日初。獨飲澗中水。吟詠老氏書。城闕應多事。誰
憶此閑居。

澧上醉題寄滌武

芳園知夕燕。西郊已獨還。誰言不同賞。俱是醉
花間。

西郊期滌武不至書示

山高鳴過雨。澗樹落殘花。非關春不待。當由期

酒話更遠

自賒。

禮上對月寄孔諫議

思懷在雲闕。泊素守中林。出處雖殊跡。明月兩
知心。

將往滁城戀新竹簡崔都水示端

停車欲去繞藜竹。偏愛新筠十數竿。莫遣兒童
觸瓊粉。留待幽人迴日看。

還闕首途寄精舍親友

休沐日云滿。冲然將罷官。嚴車候門側。晨起正
朝冠。山澤含餘雨。川澗注驚湍。攬轡遵東路。廻
首一長歎。居人已不見。高閣在林端。

秋夜南宮寄澧上弟及諸生

暝色起煙閣。沉抱積離憂。况茲風雨夜。蕭條梧
葉秋。空宇感涼至。顏顏驚歲周。日夕遊闕下。山
水憶同遊。

塗中書情寄澧上兩弟因送二甥却還

華簪豈足戀。幽林徒自違。遙知別後意。寂寞掩
郊扉。回首昆池上。更羨爾同歸。

雪夜下朝呈省中一絕

南望青山滿禁闈。曉陪鴛鴦正差池。共愛朝來
何處雪。蓬萊宮裏折松枝。

贈孫微時赴雲中

黃鵠少年舞雙戟。日視傍人皆辟易。百戰曾誇
隴上兒。一身復作雲中客。寒風動地氣蒼茫。橫

笛先悲出塞長。敲石軍中傳夜火。斧冰河畔汲
朝漿。前鋒直指陰山外。虜騎紛紛剪應碎。匈奴
破盡看君歸。金印酬功如斗大。

冬夜宿司空野居因寄酬贈

南北與山隣。蓬庵庇一身。繁霜疑有雪。荒草似
無人。遂性在耕稼。所交唯賤貧。何緣張掾傲。每
重德璋親。

寄荅祕書王丞

相看頭白來城闕。却憶漳溪舊往還。今體詩中
偏出格。常叅官裏每同班。街西借宅多臨水。馬
上逢人亦說山。芸閣水曹雖至冷。與君常喜得
身閑。

書懷寄顧八處士

自小難收疎懶性。人間萬事總無功。別從仙客
求方法。曾到僧家問苦空。老大登朝如夢裡。貧
窮作話是村中。未能即便休官去。慙愧南山採

藥翁

藥翁者，字子安，號曰藥翁，居蘇州。其學博而文麗，其志高而氣清。嘗曰：吾之學，非徒以文辭為事也。蓋文辭者，道之末也。道者，道也。道之於人，猶水之於木也。木無水則枯，人無道則死。故吾之學，必先求道，然後求文。道之於人，猶水之於木也。木無水則枯，人無道則死。故吾之學，必先求道，然後求文。

韋蘇州集卷之二終

韋蘇州集卷之三

寄贈下

寄柳州韓司戶郎中

一作遠

達識與昧機。智殊跡同靜。於焉得携手。屢賞清
 夜景。蕭灑陪高詠。從容美華省。一逐風波遷。南
 登桂陽嶺。舊里門空掩。一作休歡遊事皆屏。悵望城闕
 遙。幽居時序永。春風吹百卉。和煦變間井。獨悶
 終日眠。篇書不復省。唯當望雨露。沾子荒遐境。

韓伯敬云森物
 至理誰在十字
 亂畫



寄令狐侍郎

三山有瓊樹。霜雪色逾新。始自風塵交。中結網
繆姻。西掖方掌誥。南宮復司春。夕燕華池月。朝
奉玉階塵。衆寶歸和氏。吹噓多俊人。羣公共然
諾。聲問邁時倫。孤鴻旣高舉。鷺雀在荆榛。翔集
且不同。豈不欲殷勤。一旦遷南郡。江湖渺無垠。
寵辱良未定。君子豈緇磷。寒暑已推斥。別離生
苦辛。非將會面目。書札何由申。

閑居寄端及重陽

山明野寺曙鍾微。雪滿幽林人跡稀。閑居寥落
生高興。無事風塵獨不歸。

園林宴起寄昭應韓明府盧主簿

田家已耕作。井屋起晨煙。園林鳴好鳥。閑居猶
獨眠。不覺朝已宴。起來望青天。四體一舒散。情
性亦忻然。還復蒹簾下。對酒思數賢。束帶理官
府。簡牘盈目前。當念中林賞。覽物遍山川。上非

遇明世。庶以道自全。

寄大梁諸友

分竹守南譙。弭節過梁池。雄都衆君子。出餞擁
河湄。燕謔始云洽。方舟已解維。一爲風水便。但
見山川驅。昨日次睢陽。今夕宿符離。雲樹愴重
疊。煙波念還期。相敦在勤事。海內方勞師。

新秋夜寄諸弟

兩地俱秋久。相望共星河。高梧一葉下。空齋歸

思多。方用憂人瘼。况自抱微痾。無將別來近。顏
鬢已蹉跎。

郊園聞蟬寄諸弟

去歲郊園別。聞蟬在蘭省。今歲卧南譙。蟬鳴歸
路永。夕響依山郭。餘悲散秋景。一作餘、夕、秋、嶺緘書報此時。此
心方耿耿。

寄中書劉舍人

雲霄路竟別。中年跡暫同。比翼趨丹陛。連騎下

南宮佳詠邀清月。幽賞滯芳叢。迨予一出守。與
子限西東。晨露方愴愴一作水離抱更忡忡。忽睹九天
詔。秉綸歸國工。玉座浮香氣。秋禁散涼風。應向
橫門度環珮。杳玲瓏。光輝恨未曛。歸思坐難通。
蒼蒼松桂姿。想在一垣中。

郡齋感秋寄諸弟

首夏辭舊國。窮秋卧滌城。方如昨日別。忽覺徂
歲驚。高閣收煙霧。池水晚澄清。戶牖已凄爽。晨

夜感深情昔遊郎署間。是月天氣晴。授衣還西
郊。曉露田中行。采菊投酒中。昆弟自同傾。簪組
聊挂壁。焉知有世榮。一旦居遠郡。山川間音形。
大道庶無累。及茲念已盈。

郡中對雨贈元錫兼簡楊凌

宿雨冒空山。空城響秋葉。沉沉暮色至。淒淒涼
氣入。蕭條林表散。的礫荷上集。夜霧著衣重。新
苔侵履濕。遇茲端憂日。賴與嘉賓接。

冬至夜寄京師諸弟兼懷崔都水

一作異

理郡無異政。所憂在素餐。徒令去京國。羈旅當

一作女

歲寒。子月生一氣。陽景極南端。已懷時節感。更

一作夕

抱別離酸。私燕席云罷。還齋夜方闌。遂幕沉空

一作天

宇。孤燭照牀單。應同茲夕念。寧忘故歲歡。川塗

恍惚。遶涕下一闌干。

元日寄諸弟兼呈崔都水

一從守茲郡。兩鬢生素髮。新正加我年。故歲去

超忽淮濱異時候了似仲秋月。川谷風景溫。城
池草木發。高齋屬多暇。悵悵臨芳物。日月昧還
期。念君何時歇。

寄職方劉郎中

相聞二十載。不得展平生。一作旦一夕南宮遇。聊用寫
中情。端服光朝次。羣列一作著慕英聲。歸來坐粉闥。揮
筆乃縱橫。始陪文翰遊。歡燕難久并。予因謬忝
出。君爲沉疾嬰。別離寒暑過。荏苒春草生。故園

茲日隔新禽池上鳴。郡中永無事。歸思徒自盈。

社日寄崔都水及諸弟羣屬

山郡多暇日。社時放吏歸。坐閣獨成悶。行塘閱
清輝。春風動高柳。芳園掩夕扉。遙思里中會。心
緒悵微微。

寒食日寄諸弟

禁火暖佳辰。念雜獨傷抱。見此野田花。心思杜
陵道。一作兒聯騎定何時。予今顏已老。

三月三日寄諸寄弟兼懷崔都水

暮節看已謝。茲晨愈可惜。風澹意傷春。池寒花
歛夕。一作色對酒始依依。懷人還的的。誰當曲水行。相
思尋舊跡。

贈李儋侍御

風光山郡少。來看廣陵春。殘花猶待客。莫問意
中人。

寄楊協律

吏散門閣掩。鳥鳴山郡中。遠念長江別。俯覺座
隅空。舟泊南池雨。簾卷北樓風。併罷芳樽燕。爲
愴昨時同。

郡齋贈王卿

無術謬稱簡。素餐空自嗟。秋齋雨成滯。山藥寒
始華。濩落人皆笑。幽獨歲逾賒。唯君出塵意。賞
愛似山家。一作僧家

簡恒璨

室虛多涼氣。天高屬秋時。空庭夜風雨。草木曉
離披。簡書日云曠。文墨誰復持。聊因遇澄靜。一
與道人期。

閑居寄諸弟

秋草生庭白露時。故園諸弟益相思。盡日高齋
無一事。芭蕉葉上獨題詩。

登樓寄王卿

踏閣攀林恨不同。楚雲滄海思無窮。數家砧杵

劉涓子云高視
城色真淺如此
關合野興甚淡

正是絕意復情
雨晴即情味亦

此

極爾傷口絕妙
字句雖對而意
則一貫

秋山下。一郡荆榛寒雨中。

所東橋云登樓愁思宛然下法

寄暢當

開以子弟
被召從軍

寇賊起東山。英俊方未閑。聞君新應募。籍籍動
京關。出身文翰場。高步不可攀。青袍未及解。白
羽插腰間。昔為瓊樹枝。一作樹今有風霜顏。秋郊細柳
道。走馬一夕還。丈夫當為國。破敵如摧山。何必
事州府。坐使鬢毛斑。

贈崔貞外

一別十年事。相逢淮海濱。還思洛陽日。更話府中人。且對清觴滿。寧知白髮新。忽忽何處去。車馬冒風塵。

寄李儋元錫

去年花裏逢君別。今日花開已一年。世事茫茫難自料。春愁黯黯獨成眠。身多疾病思田里。邑有流亡愧俸錢。聞道欲求相問訊。西樓望月幾

迴圓。

胡仔云士君子當以此切存心被一意供租歛事上未視民如仇者得無愧歟
王世貞曰身多疾病病二語格調非正而語意亦佳

京師叛亂寄諸弟

弱冠遭世難。二紀猶未平。羈離官遠郡。作官虎豹滿
西京。上懷犬馬戀。下有骨肉情。歸去在何時。流
淚忽霑纓。憂來上北樓。左右但軍營。一作軍函谷行人
絕。淮南春草生。鳥鳴野田間。心憶故園行。何時
四海晏。甘與齊民耕。

贈琮公

山僧一相訪。吏案正盈前。出處似殊致。喧靜兩

皆禪。一作依。暮春華池宴。清夜高齋眠。此道本無得。寧復有忘筌。

寄諸弟

建中四年十月三日京師兵亂自
涿州間道遣使明年與元甲子歲

五月九日
使還作

歲暮兵戈亂京國。帛書問道訪存亡。還信忽從
天上落。唯知彼此淚千行。

寄恒璨

心絕去來緣。一作遠。一作斷。跡順人間事。獨尋秋草徑。夜宿寒

山寺。今日郡齋閑。思問楞伽子。

簡郡中諸生

守郡卧秋閣。四面盡荒山。此時聽夜雨。孤燈照
窻間。藥園日蕪漫。書帷長自閑。惟當上客至。論
詩一解顏。

寄全椒山中道士

佳全首無一字不雅語似冲泊而意
與獨至其所謂良工心機者也

王云是唐詩在借

今朝郡齋冷。忽念山中客。澗底束荆薪。歸來煮
白石。欲持一瓢酒。遠慰風雨夕。落葉滿空山。何

洪遵云此篇高
妙遊請固不容
辯說而結句非
語言思索可得
東坡依韻遠不
及
劉涓漢云其詩

自是此景意及
清意如此亦少

處○尋○行○跡○

鍾云此等詩妙處在工拙之外

寄釋子良史酒

秋山僧冷病。聊寄三五杯。應寫山瓢裏。還寄此
瓢來。

重寄

復寄滿瓢去。定見空瓢來。若不打瓢破。終當費
酒材。

答釋子良史送酒瓢

此瓢今已到。山瓢知已空。且飲寒塘水。遥將回
也同。一作送知回也風

簡陟廵建三甥

盧氏生

忽羨後生連榻話。獨依寒竹一齋空。時流歡笑
事從別。把酒吟詩待爾同。

覽哀子卧病一絕聊以題示

沈氏生
全貞

念子抱沉疾。霜露變淙城。獨此高窻下。自然無
世情。

寄璨師

林院生夜色。西廊上紗燈。時憶長松下。獨坐一
山僧。

寄盧陟

柳葉遍寒塘。曉霜凝高閣。累日此留連。別來成
寂寞。

途中寄楊逸裴緒示衷子

永陽縣
館中作

上宰領淮右。下國屬星馳。霧野騰曉騎。霜竿裂

劉涓子云題寄
盧詩知是此種
風氣五復可謂

凍旗蕭蕭陟連岡。莽莽望空陂。風截鴈嘹唳。雲
叅樹參差。高齋明月夜。中庭松桂姿。當睽一酌
恨。况此兩旬期。

宿永陽寄璨律師

遙○知○郡○齋○夜○。凍○雪○封○松○竹○。時○有○山○僧○來○。懸○燈○獨○
自○宿○。

雪行寄褒子

淅瀝覆寒騎。飄飄暗川容。行子郡城曉。披雲看

制函溪云蘇州
用意常在此等
故特錄持服節
處自取
顧東橋云清詩
古調
又云後二句作
應起前意

杉松。

寄裴處士

春風駐遊騎。晚景淡山暉。一問清冷子。獨掩荒
園扉。草木雨來長。里問人到稀。方從廣陵宴。花
落未言歸。

偶入西齋院示釋子恒璨

僧齋地雖密。忘子跡要賒。一來非問訊。自是看
山花。

示全真元常

元常趙氏生

余辭郡符去。爾爲外事牽。寧知風雪夜。復此對
牀眠。始話南池飲。更詠西樓篇。無將一會易。歲
月坐推遷。

寄劉尊師

世間荏苒縈此身。長望碧山到無因。白鶴徘徊
看不去。遙知下有清都人。

寄盧山樸衣居士

兀兀山行無處歸。山中猛虎識櫻衣。俗客欲尋
應不遇。雲溪道士見猶稀。

因省風俗與從姪成緒遊山水中道先歸

寄示

累宵同燕酌。十舍携征騎。始造雙林寂。遐搜洞
府祕。羣峯繞盤礴。懸泉仰特異。一作特陰壑雲松埋。陽
崖煙花媚。每慮觀省牽。中乖遊踐志。我向山水
行。子歸棲息地。一操臨流袂。上聳千雲轡。獨往

倦危途。懷冲寡。幽致賴爾還。都期方將登樓遲。

寒食寄京師諸弟

雨中禁火空齋冷。江上流鶯獨坐聽。把酒看花想諸弟。杜陵寒食草青青。

歲日寄京師諸李端武等

獻歲抱深惻。僑居念歸綠。常患親愛離。始覺世務牽。少事河陽府。晚守淮南壖。平生幾會散。已及蹉跎年。昨日罷符竹。家貧遂留連。部曲多已

去車馬不復全。閑將酒爲偶。默以道自詮。聽松
南巖寺。見月西澗泉。爲政無異術。當責豈望遷。
終理來時賤。歸鑿杜陵田。

一作表

簡盧陟

可憐白雪曲。未遇知音人。栖惶戎旅下。蹉跎淮
海濱。澗樹含朝雨。山鳥啜餘春。我有一瓢酒。可
以慰風塵。

西澗卽事示盧陟

寢扉臨碧澗。晨起澹忘情。空林細雨至。圓文遍水生。永日無餘事。山中伐木聲。知子塵喧久。暫可散煩纓。

登郡寄京師諸季淮南子弟

始罷永陽守。復卧潯陽樓。懸檻飄寒雨。危堞作堤侵江流。迨茲聞鴈夜。重憶別離秋。徒有盈樽酒。鎮此百端憂。

寄黃尊師

結茅種杏在雲端。掃雪焚香宿石壇。靈祇不許
世人到。忽作雷風登嶺難。

寄黃劉二尊師

廬山兩道士。各在一峯居。矯掌白雲表。睇髮陽
和初。清夜降真侶。焚香滿空虛。一作虛中有無爲樂。自
然與世疎。道尊不可屈。符守豈暇餘。高齋遙致
敬。願示一編書。

秋夜寄丘二十二員外

元東梅云此篇
後二句佳

懷君屬秋夜。散步詠涼天。山空松子落。幽人應
未眠。

贈丘員外

高詞棄浮靡。貞行表鄉閭。未具南宮拜。聊偃東
山居。大藩本多事。日與文章疎。每一覩之子。高
詠遂起予。宵晝方連燕。煩恹亦頓祛。格言雅誨
闕。善諱矜數餘。久跼思遊曠。窮慘遇陽舒。虎丘
愜登眺。吳門悵躊躇。方此戀携手。豈云還舊墟。

告諸吳子弟。文學爲何如。
跡與孤雲遠。心將野鶴俱。那同石氏子。每到府
門趨。

贈李判官

良玉定爲寶。長材時所希。佐幕方巡郡。秦命布
恩威。食蔬程獨守。飲水節靡違。決獄興邦頌。高
文稟天機。賓館在林表。望山啟西扉。下有千畝
田。泱泱吳土肥。始耕已見穫。衫絺今授衣。政拙

勞詳省。淹留未得歸。雖慙且忻願。日夕覩光輝。
寄皎然上人

吳興老釋子。野雪蓋精廬。詩名徒自振。道心長
晏如。想茲棲禪夜。見月東峯初。鳴鐘驚巖壑。焚
香滿空虛。叨慕端成舊。未識豈爲疏。願以碧雲
思。方君怨別餘。茂苑文華地。流水古僧居。何當
一遊詠。倚閣吟躊躇。

贈舊識

少年遊太學。負氣茂諸生。蹉跎三十載。今日海隅行。

復理西齋寄丘員外

前歲理西齋。得與君子同。迨茲已一周。悵望臨春風。始自疎林竹。還復長榛藜。端正良難久。蕪穢易爲功。援斧開衆鬱。如師啟羣蒙。庭宇還清曠。煩抱亦舒通。海隅雨雪霽。春序風景融。時物方如故。懷賢思無窮。

和張舍人夜直中書寄吏部劉員外

西垣草詔罷。南宮憶上才。月臨蘭殿出。涼自鳳池來。松桂生丹禁。鴛鴦集雲臺。託身各有所。相望徒徘徊。

和李二主簿寄淮上綦母三

滿城憐傲吏。終日賦新詩。請報淮陰客。春帆浪作期。

寄二嚴

士良
元嬰
元彬
牧

絲竹久已懶。今日遇君炊。打破蜘蛛千道網。總
爲鶴鴿兩箇嚴。

韋蘇州集卷之三終

